



PREZIDÊNCIA
KONSELLU
MINISTRUS
VIII GOVERNUN KONSTITUSIONÁL



Gabinete
Porta-Voz

Komunikadu Imprensa

Sorumutuk Konsellu Ministrus nian iha loron 27 fulan-janeiru tinan 2021

Konsellu Ministrus hala'ó sorumutuk iha Palásiu Governu, iha Dili no, liuhusi proposta Ministru Obras Públikas, Salvador Soares dos Reis Pires, delibera ona nomeia hanesan **membu sira Konsellu Administrasaun Autoridade Nasionál Eletricidade (ANE I. P.)** nian, ba períodu tinan haat, Ruben Jerónimo Freitas, hanesan Prezidente Konsellu Administrasaun, Jaime Godinho Soares, hanesan Vice-Prezidente no Aurora Teresa Carvalho Magno, Júnior Raimundo da Cruz no José Maria Xavier, hanesan vogál sira.

Liuhusi proposta Ministru Obras Públikas nian mós, Konsellu Ministrus delibera nomeia hanesan **membu sira Konsellu Administrasaun Autoridade Nasionál Bee no Saneamentu (ANAS I.P.)** nian, ba períodu tinan haat, Domingos Pinto, hanesan Prezidente Konsellu Administrasaun, Francisco Xavier Pereira, nudár Vice-Prezidente no Miguel António Ximenes, Dulce Soares no Eugénio Lemos, hanesan vogál sira.

Konsellu Ministrus aprova ona projetu Rezolusaun Governu nian, ne'ebé apresenta husi Ministru Turizmu, Komérsiu no Indústria, José Lucas do Carmo da Silva, kona-ba alterasaun daruak ba Rezolusaun Governu N. 20/2019 loron 14 fulan-juñu, ne'ebé nomeia **Autoridade Nasionál ba Expo Dubai 2020**. Ho alterasaun ida-ne'e, Ministru José Lucas do Carmo da Silva substitui Francisco Kalbuady Lay.

Ministru Finansas, Rui Augusto Gomes no Ministru Koordinadór Assuntus Ekonómikus, Joaquim Amaral halo ona apresentasaun ida ba Konsellu Ministrus kona-ba progresu implementasaun programa "cesta básica".

Ikusliu, Ministru Transportes no Komunikasaun, José Agostinho da Silva, apresenta **opsaun sira polítiku-lejizlativa sira kona-ba alterasaun dahuluk Dekretu-Lei N.15/2012, loron 28 fulan-marsu, kona-ba Regulamentasaun husi Setór Telekomunikaun no ba kriasaun regulamentu husi atus regulasaun administrativa iha setór telekomunikaun sira**. Oposaun sira polítiku-lejizlativa ne'ebé apresenta ho objetivu atu altera ka reformula solusaun anteriór balun ne'ebé



Palácio do Governo,
Avenida Presidente Nicolau Lobato,
Dili, Timor-Leste



PREZIDÉNSIA
KONSELLU
MINISTRUS

VIII GOVERNUN KONSTITUSIONÁL



Gabinete
Porta-Voz

eziste ona no klarifika konseitu tékniku balun, jurídiku no tipu prosedimentu regulatóriu sira. Hakarak mós klasifika asaun ka omisaun sira ne'ebé sai konduta proibida no esklarese sansaun administrativa sira-ne'e. **REMATA**



Palácio do Governo,
Avenida Presidente Nicolau Lobato,
Dili, Timor-Leste